

戒取結，謂為最勝。又是見取，體是欲界，增生下業。若修世禪，緣色緣心，雖經上界，不免生死。乃至多聞布施講經誦習，並是欲有，未成無漏。智論云：世間法者，孝順父母，供養沙門，布施持戒，四禪四空，念佛法僧，九想定等是也。成論云：智者不應於持戒多聞禪定等少利事中，自以為足，以著少利故，忘失大利。五分云：不為解脫出家。